



UNIVERSITÄTS-
BIBLIOTHEK
PADERBORN

SANCTI|| IOANNIS|| DAMASCENI OPERA,||

Johannes <Damascenus>

Parisiis, 1577

De malis Episcopis, ac Dei mandata minimè seruantibus. cap. xxvi.

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)

A *facere licet: sed quod ille probauerit, hoc Deo quoque gratum est. Qui Episcopum honore afficit, is à Deo honoratur. Qui clam Episcopo aliquid facit, hic diaboli cultor est.*

*Omnes perfer, vt te quoque Christus: omnibus in charitate here. Precibus sine vlla in-
termessione stude. Pete intelligentiã maiorem ea quã habes. Vigila, in somne oculũ habe.* *Epist. ad Polyc.*

Omnium morbos porta, vt numeris omnibus absolutus athleta. Vbi maior labor, illic quoque vberior questus. Probos discipulos si amaueris, nihil gratiæ tibi habendum erit. Itaque in hoc potius incumbe, vt morum facilitate atque clementia contumaces subiicias. Non omne vulnus eodem emplastro curandum est. Febrium accessiones perfusionibus seda. Propterea carne simul & spiritu constas, vt quæ oculis tibi subiiciuntur, corrigas: quæ autem aspectum tuum fugiunt, petas vt tibi detegantur: quò nihil omnino prætermittas.

B *Antistitem oportet vitam ab omni reprehensionis nota puram ducere, nec rei vllius Deo gratiæ studium prætermittere.*

Ante omnia oportet Ecclesiã ministrum ab ira alienum esse: nec obiurgatione vti, sed Athana's hortatione ac deprecatione.

Tum demum doctori ex animi sententia sermo succedit, ac fidem nanciscitur, cum ipse Didymi. vita & moribus docet: iuxta illud, De ijs quæ cepit Iesus facere & docere. *Ait. 1.*

Sacerdotem prudentia, & vita, ac morum ingenuitas, efficit. Sermonem virtutem docet: Euagr. opere autem eam prædica.

Alexander eminens plebem candidis vestibus indutam conspicatus, sacerdotes autem atque antistites bysiniis amictos, pontificem verò, in hyacintho & aurea stola, atque capite cidarim, aureãque laminam, in qua Dei nomen inscriptum erat, gestantem, solus accedens, nomen illud, ac pontificem adorauit. Sciscitante autem Parmenione, quid esset, quamobrem ipse, cum ab omnibus adoraretur, Iudeorum tamen pontificem adoraret: Non eum, inquit, sed Deum, à quo sacerdotij dignitate ipse ornatus est, adorauit.

De malis Episcopis, ac Dei mandata minimè seruantibus.

CAP. XXVI.

A C E R D O T E S eorum in gladio ceciderunt.

Deut. 32.

Absconderunt sacerdotes legem Domini. Principes e-

Mich. 3.

ius in muneribus iudicabant, & sacerdotes mercede docebant.

D **S** Nunquid non vestrum est scire iudicium, qui odio habetis bonum, & diligitis malum: qui violenter tollitis pelles eorum desuper eis, & carnem eorum desuper ossibus eorum? Sacerdotes eius polluerunt sanctum, iniuste egerunt contra legem.

O pastor & idolum, derelinquens gregem: gladius super brachium eius, & super dextrum oculum eius. Brachium eius ariditate siccabitur, & oculus dexter eius tenebrescens obscurabitur. Et dixi: Non pascam vos. Quod moritur, moriatur, & quod succiditur, succidatur, & reliqui deuorent vnusquisque carnem proximi sui. Ecce ego suscitabo pastorem imperitum in terra, qui derelicta non visitabit, & dispersum non quæret, & contritum nõ sanabit, & id quod stat, non nutriet, & carnes pinguium comedet, & vngulas eorum dissoluet.

Zach. 11.

E Præ vino nescierunt, & præ ebrietate errauerunt. Sacerdos & propheta præ e-

Esa. 28.

rietate nescierunt, absorpti sunt à vino, errauerunt præ ebrietate. Væ pastoribus, qui dispergunt & disperdunt oves gregis. Propterea hæc dicit Dominus: Vos dispersistis oves meas, & eiecistis eas, & non visitastis eas. Ecce ego vlciscar omnes malas adinventiones vestras. Oves perditæ factæ sunt populus meus. Qui pascebant eos, expulerunt eos: in montes errare fecerunt eos.

Ezech. 34.

Sacerdotes eius contempserunt legem meam, & polluerunt sanctuaria mea: inter sanctum & prophanum non habuerunt distantiam, & inter mundum & pollutum non intellexerunt: & coinquinabar in medio eorum. Principes eius in medio illius, quasi lupi rapientes prædam ad effundendum sanguinem, & auarè sectanda lucra. Prophetæ autem liniebant eos absque temperamento, &c. Hæc

22.

34.

Uicit Dominus pastoribus: Væ pastoribus, qui pascebant semetipfos. Nonne gre- F
ges à pastoribus pascutur? Lac comedebatis, & lanis operiebamini: & quod cras-
sum erat, occidebatis, & oves meas non pascebatis. Quod infirmum fuit, non cõ-
solidastis, & quod ægrotum, non sanastis: quod confractum est, non alligastis, &
quod abiectum est, non reduxistis: & dispersæ sunt oves meæ, eo quòd non esset
pastor. Pascebât pastores semetipfos, & greges meos non pascebant. Propter
ea pastores audite verbum Domini. Ecce ego super pastores, requiram gregem
meum de manu eorum.

Sap. 6. Discite iudices finium terræ: quoniam data est à Dominopote stas vobis,
& virtus ab Altissimo, qui interrogabit opera vestra, & cogitationes scrutabitur:
quoniam cùm essetis ministri regni illius, non rectè iudicastis, nec custodistis legem
iustitiæ, neque secundum voluntatem Dei ambulastis. Horrendè & citò G
apparebit vobis: quoniam iudicium durissimum in his qui præsumunt, fiet. Exiguo
enim conceditur misericordia: potentes autem potenter torméta patientur. Non
enim subtrahet personam cuiusquam Deus, nec verebitur magnitudinem cuius-
quam. Fortioribus autem fortior instat cruciatio.

Mat. 23. Tunc Iesus locutus est ad turbas, & discipulos suos, dicens, Super cathedram
Moyfi sederunt Scribæ & Pharisei. Omnia ergo, quæcunque dixerint vobis,
seruate & facite: secundum opera verò eorum nolite facere. dicunt enim, & non
faciunt. Alligant enim onera grauias & importabilia, & imponunt in hume-
ros hominum: digito autem suo nolunt ea mouere. Omnia verò opera sua
faciunt, vt videantur ab hominibus. Dilatant enim phylacteria sua, & ma- H
gnificant fimbrias. Amant autem primos recubitus in cœnis, & primas ca-
thedras in synagogis, & salutationes in foro, & vocari ab hominibus rabbi.
Vos autem nolite vocari rabbi. vnus est enim magister vester, omnes autem
vos, fratres estis. Et patrem nolite vocare vobis super terram: vnus est enim
pater vester, qui in cœlis est. Nec vocemini magistri: quia magister vester, vnus
est, Christus. Qui maior est vestrum, erit minister vester. Qui autem se exaltaue-
rit, humiliabitur: & qui se humiliauerit, exaltabitur. Væ autem vobis Scribæ &
Pharisei hypocritæ: quia clauditis regnum cœlorum ante homines. Vos enim
non intratis: nec introeuntes finitis intrare. Væ vobis Scribæ & Pharisei hypo-
critæ: quia comeditis domos viduarum, orationes longas orantes: propter hoc am-
plius accipietis iudicium. Væ vobis Scribæ & Pharisei hypocritæ: quia circuitis I
mare & aridam, vt faciatis vnum profelytum. & cùm fuerit factus, facitis eum fi-
lium gehênæ duplo quàm vos. Væ vobis duces cæci, qui dicitis, Quicumque iu-
rauerit per templum, nihil est: qui autem iurauerit in auro templi, debet. Stulti &
cæci, quid enim maius est, aurum, an templum quod sanctificat aurum? Et qui-
cunque iurauerit in altari, nihil est: quicumque autem iurauerit in dono quod est
super illud, debet. Cæci, quid enim maius est, donum, an altare quod sanctificat
donum? Qui ergo iurat in altari, iurat in eo, & in omnibus quæ super illud sunt:
& quicumque iurauerit in templo, iurat in illo, & in eo qui habitat in ipso: & qui
iurat in cœlo, iurat in throno Dei, & in eo qui sedet super eum. Væ vobis Scri-
bæ & Pharisei hypocritæ: quia decimatis mentam, & anethum, & cyminum, & K
reliquistis quæ grauiora sunt legis, iudiciû & misericordiam, & fidem. hæc oportuit
facere, & illa non omittere. Duces cæci, excolantes culicem, camelum autem
glutientes. Væ vobis Scribæ & Pharisei hypocritæ: quia mundatis quod deforis
est calicis & paropsidis: intus autem, pleni estis rapina & immunditia. Phariseæ
cæce, munda prius quod intus est calicis & paropsidis, vt fiat id quod deforis est,
mudum. Væ vobis Scribæ & Pharisei hypocritæ: quia similes estis sepulchris deal-
batis, quæ à foris parent hominibus speciosa, intus verò plena sunt ossibus mor-
tuorum, & omni spurcitia. sic & vos à foris quidem paretis hominibus iusti: in-
tus autem pleni estis hypocrisi & iniquitate.

24. Si autem dixerit malus ille seruus in corde suo: Moram facit dominus meus
venire,

A venire, & coeperit percutere conferuos suos, manducet autem & bibat cum ebriosis, veniet dominus serui illius in die qua non expectat, & in hora qua nescit, & diuidet eum, & partem eius cum infidelibus ponet.

Videns Simon, quia per impositionem manuum Apostolorum daretur Spiritus sanctus, obtulit eis pecuniam, dicens: Date & mihi hanc potestatem, ut cuiunque imposuero manus meas, accipiat Spiritum sanctum. Dixit autem Petrus ad eum: Argentum tuum tecum sit in perditionem: quia existimasti donum Dei pecunia possideri. Non est tibi pars neque fors in sermone isto.

B *Quantum malum est subditi erroris ansam cum praeberere, quem itineris ducem esse oportebat! Nemo filium suum, in foueam iam penes cadentem, negligit, aut etiam in eam prolapsum relinquit. Quanto autem grauius est animam in inum vitiorum gurgitem labentem in exitio relinquere?* Basil.

Ne quis capitis munus usurpet, qui vix manus aut pedis, aut cuiuspiam alius vilioris partis corporis officio fungi potest. Vnusquisque in quo gradu vocatus est, fratres, in eo maneat. Nax.

*Caute, quaeso, maxime vos praesules,
Ne lumen omni prorsus orbum lumine,
Vtique tantum, non boni, sitis duces.
Si tale lumen, quantus est tandem nigror?*

In Tetra.

C *Ecquis tandem alios ad modestiam adducere queat, cum antistites ipsi ita affecti sint? Quid refert probum esse gubernatorem, si malis remigibus vtatur? Vnde quaeso huiusmodi tumultus in Ecclesiis nasci censet? Equidem ipse non aliunde existimo, quam quod antistitem electiones temere atque inconsiderate fiant.* In Apo- log. Chrysof.

Nihil doctore frigidius est, qui sermonibus dumtaxat philosophatur. Hic non doctor, sed hypocrita est.

Doctore male viuere nihil frigidius.

Nihil praesule eo miserius est, qui iis, quibus praest, nullam utilitatem affert.

Quanto ad altiozem sacerdotij gradum ascendit ille, cui Episcopatus obtigit: tanto quoque amplior ab eo ratio exposcetur, non doctrinae tantum, sed etiam pauperum cura. Quem admodum enim nos, cum pecunias famulis commisimus, omnium rationem ab ipsis flagitamus: sic etiam Deus, cum pecunias suas fidei nostra commiserit, expensa rationem requirit.

D *Fieri non potest, ut qui res vsque ad deo magnas ac diuinas ab iis, qui eas callent, minime didicerunt, aut ipsi eas noscant, aut aliis recte tradere queant.* Iustinus.

Doctoris imperitia, discipulis exitium affert, ac discipulorum socordia magistro periculum creat: idque praesertim, si ipsius inscitia fiat, ut illi socordia laborent. Nilus.

Ne existiment rem eam, remissionis animorum & oblectationis materiam esse. Nihil enim aequè arduum & laboriosum est, atque animabus imperare. Itaque operae pretium est, ut ij, qui ad hoc munus accedunt, perinde se comparent, atque inungant, tanquam in graue aliquod certamen ingredientes. Nihil difficilius quam animas gubernare. Eccl. 10.

E *Qui scindit ligna, periclitabitur in eis, si ferrum exciderit. Nam qui sermone res diuidit, nisi sermonem vnde cunq; obfirmatum habuerit, inter audientes periclitabitur, per sermonem videlicet scandali ansam ipsis porrigens.*

Illud velim ne ignores, complures Episcopos ignis fornacem ornaturus esse. Cuiuslibet Episcopi ac doctoris opus, quale sit, sempiternus ignis explorabit. Etenim dies ille omnia deteget, ac perspicua reddet: quia in igne reuelabitur.

An te fugit, Episcopos quoque nonnunquam exitium ac ruinam subire?

Absurdum est eum, qui honores consecratur, labores defugere, quibus honores conciliantur. Enagr.

Sit lex ista constituta aduersus eos, qui res sanctas ac diuinas, non sanctè, atque vt Deo dignum est, scernere volunt, vt ipsis caecitatis supplicium inferatur.